

首創古今對照版

論藏名著選編

〔唐〕李通玄／著

主編／李利安
◎ 整理／楊航
康曉紅

新華嚴經論

貳

- ◎ 即《華嚴經合論》
- ◎ 八十華嚴的權威闡釋
- ◎ 佛教義學的巔峰
- ◎ 晚唐維摩詰李長者的傳世大作
- ◎ 享譽一字增減不得的名著

西北大學出版社

論藏名著選編


主編・李利安

整理・楊航 康曉紅

新華嚴經論

[唐]李通玄 著

貳



西北大學出版社

新華嚴經論

图书在版编目(CIP)数据

新华严经论/(唐)李通玄著;杨航,康晓红整理. —西安:

西北大学出版社, 2005. 11

(论藏名著选编/李利安主编)

ISBN 7-5604-2064-8

I. 新… II. ①李…②杨…③康… III. 大乘—论藏 IV. B942.1

中国版本图书馆 CIP 数据核字(2005)第 100825 号

论藏名著选编

新华严经论

作 者:李通玄

整 理:杨 航 康晓红

主 编:李利安

出版发行:西北大学出版社

策 划:书僮图书工作室

地 址:西安市太白北路 229 号

购书电话:029-88302590 84337138

邮政编码:710069

印 刷:陕西地质印刷厂

开 本:880 毫米×1230 毫米 1/32

印 张:75

字 数:912 千字

版 次:2005 年 11 月第 1 版 第 1 次印刷

书 号:ISBN7-5604-2064-8/B·59

定 价:148.00 元(共伍册)

目 录 二

新华严经论卷第九	(430)
新华严经论卷第十	(486)
新华严经论卷第十一	(542)
新华严经论卷第十二	(604)
(如来现相品第二)	(634)
(普贤三昧品第三)	(658)
新华严经论卷第十三	(664)
(世界成就品第四)	(668)
(华藏世界品第五)	(678)
(毗卢遮那品第六)	(710)
新华严经论卷第十四	(724)
(佛名号品第七)	(724)
新华严经论卷第十五	(778)
(四圣谛品第八)	(800)
(光明觉品第九)	(806)
(菩萨问明品第十)	(820)
新华严经论卷第十六	(840)
(净行品第十一)	(846)
(贤首品第十二)	(856)
(升须弥山顶品第十三)	(872)
(须弥顶上偈赞品第十四)	(886)

一迷阿僧祇廣大數愚。二佛位之內隨好功德廣大愚。此之二法唯佛究竟。自利進修五位菩薩未過故。以是義故。此兩品經如來自說。及法界品如來不思議神力說。爲明法界是一切諸佛其所究竟果故。以將此品示悟眾生。餘三十七品是當位菩薩說。勝鬘經云。無明住地佛地方除。三乘三祇之果及淨穢別報菩薩還歸本土。二見順情多不相似。如法界因果當念不遷不虧階級。總別一多通融方便全殊。此普光明殿說離世間品。明信心及究竟佛果。普賢行總不離舊跡。亦如慈氏樓閣內普現三世。一念普觀三世諸佛。及以菩薩一切。

大方廣佛新華嚴經論卷第九

眾生視如卽夕。無有古今。卽其義也。第十會在法界品。明此一會普含諸會。及十方刹海法界虛空界。總之一會重重無盡無盡重重。一切諸佛海會及一切眾生之海。總以此法界一品總爲一體。一切境界隨眾生心。以此爲別。以六相十玄該之以無思之心照之。觀之可見。或以世主妙嚴品爲一會。此普光明殿三會爲一會。通前世主妙嚴品爲二會。上昇須彌夜摩兜率他化第三禪等天爲五會。通前兩會爲七會。法界品祇闡人間爲第八會。

一迷阿僧祇广大数愚。二佛位之内随好功德广大愚。此之二法。唯佛究竟。自利进修五位菩萨未过故。以是义故。此两品经。如来自说。及法界品。如来自说。为明法界。是一切诸佛共所究竟果故。以将此品。示悟众生。余三十七品。是当位菩萨说。胜鬘经云。无明住地。佛地方除。三乘三祇之果。及净秽别报。菩萨还归本土。二见顺情。多不相似。如法界因果。当念不迁。不亏阶级。总别一多通融。方便全殊。此普光明殿。说离世间品。明信心及究竟佛果普贤行。总不离旧迹。亦如慈氏楼阁内。普现三世。一念普观三世诸佛。及以菩萨一切(大方广佛新华严经论卷第九)*

众生。视如即夕。无有古今。即其义也*第十会在法界品。明此一会。普含诸会。及十方刹海法界虚空界。总之一会。重重无尽。无尽重重。一切诸佛海会。及一切众生之海。总以此法界一品总为一体。一切境界。随众生心。以此为别。以六相十玄该之。以无思之心照之。观之可见。或以世主妙严品为一会。此普光明殿三会为一会。通前世主妙严品为二会。上升须弥。夜摩。兜率。他化。第三禅等天。为五会。通前两会为七会。法界品祇园人间为第八会。

善財大塔廟處爲第九會。以虛空法界一切處會
 爲十會。卽該收前後十方總盡。亦是一家所釋。亦
 不違道理。古人云。九會者。爲未知有十一地。在第
 三禪說。此經總十法爲准。不可說九也。如善財覺
 城東會。明前諸會。但且寄成五位之法。未寄顯能
 修行之人。如覺城一會。卽明能修行之人。及菩薩
 攝生方便法則。第三說佛出世所由者。如來出
 世寄位示真。若見如來始成正覺及正像末三時
 教者。非正覺見。非見佛出興。此乃劣解眾生。且如
 是見。求正覺者。不應如是問曰。云何見佛出興。答
 曰。當見自身無身。無心。無出無沒。無內無外。不動
 不寂。無思無求。世及出世都無住處。無心所法。無
 法。法心。心法無依。性無始末。以無依住。智說如斯
 法。教化眾生。皆令悟入。是名見佛出興。如光明覺
 品文殊師利頌曰。世及出世見一切皆超越。而能
 善知法。當成大光耀。若於一切智。發生迴向心。見
 心無所生。當獲大名稱。眾生無所生。亦復無有壞。
 若得如是智。當成無上道。一中解無量無量中解。
 一了彼互生起。當成無所畏。前兩行頌明佛出興。
 後兩行頌明正覺中智。佛出興世當知如是。不令

善财大塔庙处为第九会。以虚空法界一切处会为十会。即该收前后十方总尽。亦是一家所释。亦不违道理。古人云。九会者。为未知有十一地在第三禅说。此经总十法为准。不可说九也。如善财觉城东会。明前诸会。但且寄成五位之法。未寄显能修行之人。如觉城一会。即明能修行之人。及菩萨摄生方便法则。第三说佛出世所由者。如来出世。寄位示真。若见如来始成正觉。及正像末三时教者。非正觉见。非见佛出兴。此乃劣解众生。且如是见。求正觉者。不应如是。问曰。云何见佛出兴。答曰。当见自身。无身无心。无出无没。无内无外。不动不寂。无思无求。世及出世。都无住处。无心所法。无法法心。心法无依。性无始末。以无依住智。说如斯法。教化众生。皆令悟入。是名见佛出兴。如光明觉品。文殊师利颂曰。世及出世见。一切皆超越。而能善知法。当成大光耀。若于一切智。发生回向心。见心无所生。当获大名称。众生无所生。亦复无有坏。若得如是智。当成无上道。一中解无量。无量中解一。了彼互生起。当成无所畏。前两行颂。明佛出兴。后两行颂。明正觉中智。佛出兴世。当知如是。不令

眾生取佛出興滅沒之相見。初見末。但見自身。眾生身心無生滅體。是出世間。

夫說一部之經。始終徒眾形相。總有二百二十八

眾形類。部從莊嚴道場。形類各異。當會事意皆有

所表。至位方明。不可懸摸。且初一品有四十五眾

表意。如下至文方釋。教文廣博。預陳難解。對事方

指。目擊道存。如前長科經意十段門中。第一會中

始成正覺。總有六品經。經有十一卷。其中品名者。

一世主妙嚴品。二如來現相品。三普賢三昧品。四

世界成就品。五華藏世界品。六毗盧遮那品。此六

品經。於初會中有六種意。此初會中。從如是我聞

已下。有序分。正說分。流通分。自餘會皆然。此初會

中。從如是我聞六字義。至始成正覺。是序分。其地

堅固金剛所成。已下。是正說分。至動地雨華。是流

通分。從正說分中。說如來成佛。因果菩薩。神天五

十眾。表佛自行利生之眾。令諸來菩薩見如來因

果。及示現得道入法。入即同佛所知見法。與後學

者。以爲樣式。從其凡夫入法。即同佛知見。故初發

心時。便成正覺。從此義生。已後諸會。皆悉自有序

分。至文方明。大都付囑流通分。從如是我聞。至如

众生取佛出兴灭没之相。见初见末。但见自身。众生身心无生灭体。是出世间。

夫说一部之经。始终徒众形相。总有二百二十八众。形类部从。庄严道场。形类各异。当会事意。皆有所表。至位方明。不可悬摸。且初一品。有四十五众。表意如下。至文方释。教文广博。预陈难解。对事方指。目击道存。如前长科经意十段门中。第一会中。始成正觉。总有六品经。经有十一卷。其中品名者。一世主妙严品。二如来现相品。三普贤三昧品。四世界成就品。五华藏世界品。六毗卢遮那品。此六品经。于初会中。有六种意。此初会中。从如是我闻已下。是序分。正说分。流通分。自余会皆然。此初会中。从如是我闻六字义。至始成正觉。是序分。其地坚固金刚所成已下。是正说分。至动地雨华。是流通分。从正说分中。说如来成佛因果。菩萨神天五十众。表佛自行利生之众。令诸来菩萨。见如来因果。及示现得道人法。人即同佛所知见法。与后学者以为样式。从其凡夫人法。即同佛知见故。初发心时。便成正觉。从此义生。以后诸会。皆悉自有序分。至文方明。大都付嘱流通分。从如是我闻至如

來出現品。是前已敘竟。如輪王太子喻。是一初世主妙嚴品。明佛初成正覺。諸世間主來集慶。佛成道。又自求所益。又所表如來自行五位法門。二如來現相品。明佛初成正覺。口光告眾。毫光示法。三普賢三昧品。明佛令普賢長子。人如來藏身三昧。審諦觀法。從三昧起。說佛果報。眾生業力。成就世界。依正二報。國土莊嚴。四便說世界成就品。明由眾生業力起。五明華藏世界海。佛自智果報得莊嚴。六毗盧遮那品。即明引古證今。令眾信順。法不虛來。古今相照。令信不疑。今此初會六品經。皆有意趣。就六品之中。遍依會釋。分爲二門。一從世主妙嚴一品經。明佛始成正覺。略示依正二報之所莊嚴。二如來現相品已下五品經。明示果勸修。於此二門。且於初門世主妙嚴一品。義分十門。第一明毗盧遮那始成正覺。依正二報之所莊嚴。第二明十普賢眾常隨佛眾。第三明諸神八部諸天來集。第四明結眾已來。第五明十大天王以自得益法門。歎佛十地行果。第六明日月天子八部王等以自得法門。歎佛十迴向行果。第七明十眾諸神王。主祿神爲首。各以自所得法門。歎佛十行之果。

来出现品是。前已叙竟。如轮王太子喻是。一初世主妙严品。明佛初成正觉。诸世间主来集。庆佛成道。又自求所益。又所表如来自行五位法门。二如来现相品。明佛初成正觉。口光告众。毫光示法。三普贤三昧品。明佛令普贤长子。入如来藏身三昧。审谛观法。从三昧起。说佛果报。众生业力。成就世界依正二报。国土庄严。四便说世界成就品。明由众生业力起。五明华藏世界海。佛自智果报得庄严。六毗卢遮那品。即明引古证今。令众信顺。法不虚来。古今相照。令信不疑。今此初会六品经。皆有意趣。就六品之中。还依会释。分为二门。一从世主妙严一品经。明佛始成正觉。略示依正二报之所庄严。二如来现相品已下五品经。明示果劝修。于此二门。且于初门世主妙严一品。义分十门。第一明毗卢遮那始成正觉。依正二报之所庄严。第二明十普贤众。常随佛众。第三明诸神八部诸天来集。第四明结众已来。第五明十大天王。以自得益法门。叹佛十地行果。第六明日月天子八部王等。以自得法门。叹佛十回向行果。第七明十众诸神王。主稼神为首。各以自所得法门。叹佛十行之果。

第八明海月光大明菩薩等十大菩薩通九眾諸神以自得法門歎佛十住行果第九明座出自眾明佛自行普賢行歎佛自行普賢行果第十明華藏世界動地興供明佛出興大眾歡喜福威感應已上初會十門中菩薩神天總得如來五位法門但化令人位者皆得一分應眞理智總得稱之爲神能主導眾生非鬼神之神已入如來智法力自在故十地如天亦明自在至文方明。

今釋初會中世主妙嚴一品如前十段科文中第一段明佛始成正覺於此一段復分爲二。一釋經

題目。二隨文釋義。

一釋經題目者何故名爲大方廣佛華嚴經世主妙嚴品第一解云大者無方義方者法則義廣者理智徧周義佛者智體無依住義智自在義華者徧法界無盡行義以行能開敷自他果故華是感果義開敷義嚴是莊飾義明初發心住位以十信中有作行華開敷十住位中妙理智慧果故復生無作十種行華常以法行互嚴用淨自利利他之道故行爲嚴飾義世主妙嚴者以此初品有諸神天八部之眾皆爲世間主各將十佛世界微塵數

第八明海月光大明菩萨等十大菩萨。通九众诸神。以自得法门。叹佛十住行果。第九明座出自众。明佛自行普贤行。叹佛自行普贤行果。第十明华藏世界动地兴供。明佛出兴。大众欢喜。福威感应。已上初会十门中。菩萨神天。总得如来五位法门。但化令人位者。皆得一分应真理智。总得称之为神。能主导众生。非鬼神之神。已入如来智。法力自在故。十地如天。亦明自在。至文方明。

今释初会中世主妙严一品。如前十段科文中第一段。明佛始成正觉。于此一段。复分为二。一释经题目。二随文释义。

一释经题目者。何故名为大方广佛华严经。世主妙严品第一。解云。大者无方义。方者法则义。广者理智遍周义。佛者智体无依住义。智自在义。华者遍法界无尽行义。以行能开敷自他果故。华是感果义。开敷义。严是庄饰义。明初发心住位。以十信中有作行华。开敷十住位中妙理智慧果故。复生无作十种行华。常以法行互严。用净自利利他之道故。行为严饰义。世主妙严者。以此初品。有诸神天八部之众。皆为世间主。各将十佛世界微尘数

隨身部從。或但云無量。來嚴道場。此爲依眾成名也。故云世主妙嚴。又佛及菩薩皆爲世間主。故以能主導眾生。總爲世間主。亦此初品總標一部一部都舉。總有二百二十八眾。形狀不同。各各部類。或言一佛世界微塵。或十佛刹微塵。或言無量。以嚴海會。故言世主妙嚴。或以佛福報境界妙嚴。依正亦得稱爲世主妙嚴。爲如來亦爲世間主。主導眾生。故此爲依主得名。品者均別義。明五位及信心。同異差降。意類別敘。進修生熟。各有條貫。次第分明。令後學者自識本行。進修不惑。故爲品類均別義也。第一者。非是次第前後之第一。爲法界門中。無前頭在後之次第。皆是一時無二。念同時顯著諸品之第一。一多緣起同時之第一。是名同時具足相應門。一多相容不同門。以十玄門及六相義通融。品名亦如是可知。不可如情所計。故名第一。

第三隨文釋義者。從如是我聞。至如是無量功德已來。於中有七十一行經。長科爲四分。

随身部从。或但云无量。来严道场。此为依众成名也。故云世主妙严。又佛及菩萨。皆为世间主故。以能主导众生。总为世间主。亦此初品。总标一部。一部都举。总有二百二十八众。形状不同。各各部类。或言一佛世界微尘。或十佛刹微尘。或言无量。以严海会。故言世主妙严。或以佛福报境界。妙严依正。亦得称为世主妙严。为如来亦为世间主。主导众生故。此为依主得名。品者。均别义。明五位及信心。同异差降。意类别叙。进修生熟。各有条贯。次第分明。令后学者。自识本行。进修不惑故。为品类均别义也。第一者。非是次第前后之第一。为法界门中。无前头在后之次第。皆是一时无二念。同时显著诸品之第一。一多缘起同时之第一。是名同时具足相应门。一多相容不同门。以十玄门及六相义通融。品名亦如是可知。不可如情所计。故名第一。

第二随文释义者。从如是我闻。至如是无量功德已来。于中有七十一行经。长科为四分。

第一從初如是我聞已下至始成正覺於中有
 八句經^{二十}總明斷疑成信分前之六字明結集
 聞經之主後之五句敘致如來得道之處義分爲
 三一定傳教人二定說經時分三釋經文義 一
 定傳教人者如三乘中大智度論第二卷所釋如
 來臨入涅槃時告阿難十二部經汝當流通復告
 優波離一切戒律汝當受持告阿那律汝得天眼
 常守護舍利勒人供養告大眾言我若住世一劫
 若減一劫會亦當滅語已雙林北首而臥入般涅
 槃阿難親屬愛習未除心沒憂海阿泥盧豆語阿
 難汝是守護佛法藏者不應如凡夫人自沒憂海
 諸有爲法並是無常汝何愁憂又佛世尊手付汝
 法汝今愁悶失所受事世尊今日雖在明朝卽無
 汝當問佛未來要事盧豆教問要事有四一問如
 來在世親自說法人皆信受如來滅後一切經首
 當置何言二問如來在世諸比丘等以佛爲師如
 來滅後以何爲師三問佛在世諸比丘依佛而住
 如來滅後依誰而住四問如來在世惡性車匿佛
 自治之佛滅度後云何共住阿難如教請問世尊
 世尊答云經首當置如是我聞一時等六字爲句